

अरे हंसला रे चुगले चुगले मोतीड़ा रो चून

अरे हंसला रे चुगले चुगले मोतीड़ा रो चून,
कोई मोतीड़ा रो चून कांकरिया चुगना छोड़ दे,
अरे हंसला रे चुगले चुगले मोतीड़ा रो चून,
कोई मोतीड़ा रो चून कांकरिया चुगना छोड़ दे,

अरे हंसला रे बोली बोली कोयल जेड़ा बोल,
कोई कोयल जेड़ा बोल कागा री बोली छोड़ दे,
हंसला रे चाली चाली हंसले वाली चाल,
बगुलां री चाली छोड़ दे अरे हंसला रे, चुगले चुगले,
मोतीड़ा रो चून कोई मोतीड़ा रो चून,
कांकरिया चुगना छोड़ दे,

हंसला रे जीवनो जीवनो जग में दिनड़ा चार,
कोई जुग में दिनड़ा चार माला फेरो हरी रे नाम की,
अरे हंसला रे आयो आयो सावणियै रो मास,
कोई सावणियै रो मास भादवो केडो गाजियों रे,
अरे हंसला रे, चुगले चुगले मोतीड़ा रो चून,
कोई मोतीड़ा रो चून कांकरिया चुगना छोड़ दे,

अरे हंसला रे बरसे बरसे, मेहड़लो मझधार,
कोई मेहड़लो मझधार हां भरिया रे नाडी नाडिया,
हंसला रे, लेवणो लेवणो राम जी रो नाम,
कोई राम जी रो नाम भजना री बांधो गांठड़ी,
अरे हंसला रे, चुगले चुगले मोतीड़ा रो चून,
कोई मोतीड़ा रो चून कांकरिया चुगना छोड़ दे,

<https://www.bhajanganga.com/bhajan/lyrics/id/20674/title/are-hansla-re-chugle-chugle-motida-ro-chun>

अपने Android मोबाइल पर [BhajanGanga](#) App डाउनलोड करें और भजनों का आनंद ले |